

Nuorttanasste

Bajasrakadus- ja čuvvgitusbladde samidi.

»Gæca mon boadam farga«

»Leket maidai digis garvvasak.«

No. 14.

30ad Juli 1902.

4ad jakkodak.

Gæsa gulak don?

1. Sam. 30, 13.

Dat læ okta duodalaš gačaldak, go olbmū sielo bællai jurdašuvvu. Don lokke, gæsa don gulak? Gulakgo don Ibmeli, vai gulakgo don sielo vašalažži. Juobbegoabbai dam guovtest don ferttik gullat. I dast gavdnu mikkege gaska baikid, i gavdnu 3ad ised, gæn olmuš mataši balvvallet. Don læk juogo æppeoskolaš daihe oskolaš, juogo Ibmel manna daihe maielme manna. Gæsa gulak don? Dat gačaldak matta æra gačaldagaid mieldes buktet, daggar gačaldagaid, maidi olmuš ainarak fertte vastedet, damditi go dak læk hæggagačaldagak. Muttomak daina čugjet navt:

Lækgo don ođđasist riegedam?

jos don dam læk, de gulak don Kristusi; mutto alma ođđasist riegedame-taga ik matte don sudnji gullat.

Gæn ala oskok don? Dak, guđek Kristus ala oskok, læk Ibmel manak.

Gæn balvvalak don? Dat læ vises, atte don du mæistarak balvvalak; dastgo dam, gæn don balvvalak, anak don du hærranak.

Gæina anak don særvvevuoda? jos don dam Hærra Jesusi gulak, de læ son du Hærra, ja don čuožok dalle vielljalaš særvvevuodast singuim, guđek su ala oskok — du særvvevuotta læ dalle Ibmel manaiguim.

Man birra sarnok don davalažak? Sarnokgo don almalaš daihe ædnamlaš dingai birra?

Lægó dust særvvevuotta daina Hærra Jesusin? Mattakgo don aige loaktet alma su-taga? Daihe morš-takgo don, go Jesus orro læme javkosest du mielast? Jos don læk Ibmela manna, de læ dust suina særvvevuot-

ta bæivalažat.

Lægo Ibmel sadne dat gaska-oabme, man čada don vuostaivaldak famo ja jedditusa? Ibmel loppadusak læ dat raiddalas, man alde rokkadus bagjana albmai.

Lækgo don maidege oappam du mæistarestak? Balvvalægjet lavejik alma juoga goit oappat sin hær-rainæsek. Ođđa testamenta muittala Pietar ja Johanes birra, atte olbmuk sudno aige dovdde, atte soai læiga læmaš Jesusin. Mattago dam lakkai celkkujuvvut du birra? Jos don Ibmel manna læk, de juobe væhašge fertte dat dovdodot.

Jos don Kristusi ik gula, de læk don hirmus lossa balvvalusast. Du ised læ okta surggis ja garra vaimolaš olmai. **Batar su lutte erit!** Mutto daga dam dallanaga, jure dal, odne! Jos don ajatalak, de dat du vanhurskesmættom ja vaimolaðesmættom ised duhati mielde hettetusaid occa bajas ja bigja du balga ala. Alle juo eisege ajatala, **mutto batar du hæ-gad diti!** Du bæstak vuordda du, son ravka du erit šlavavuoda dilest! Jesus læ suddolažai usteb ja bæste — aito daggar bæste, mi dudnji heivve.

Don, gutte Jesusi gulak, muite, atte don læk su oabme — **jægad su,** adde su sane læt dudnji lakan ja su haledusaid læk dudnji dattom. Don gulak dam æccalažži — damditi rakist su! Adde Jesusi saje du vaimo-sad nuft ollaset go læ vejolaš — oro bisovažak su lutte, æska dalle šadda du ællem likkolaš, ja dat galgga oid-nujuvvut, atte don gulat Jesusi.

*

*

*

Mi læ bestujubme?

Bestujuvvut læ dam ællemest fria bæsat **suddo vælgest** osko bokte Jesus Kristus, bæstamek ala. Dat læ anddagassi oažžot addujuvvut buok suddo, vanhurskesen dakkujuvvut ja fria dakkujuvvut buok suddo noađest osko bokte Jesusa jabmen ja soavatus vara ala. Juokkehaš, gutte vaimostes osko dam Hærra Jesus ala, læ okta bestujuvvum siello. Son i galgga lapput. Sust „læ agalaš ællem“. Ap. dag. 13, 39; 16, 31; Joh. 3, 16; 16, 31; 1 Joh. 1, 7.

Bestujuvvut læ dam ællemest bæsat fria **suddo famost**, daggo bokte atte mi fria dakkujuvvut suddo valdest maielmest ja Bærgalagast Ibmel armo bokte Jesus Kristus siste. Juokkehaš, gæn vuoigna ja miela dam lakkai læ ođasmattujuvvum ja jorggaluvvum, læ okta bestujuvvum siello. Son i galgga lapput; mutto son galgga Ibmel rika sisa mannat. Joh. 3, 3; 1 Joh. 3, 9; Rom. 6, 14, 22; 2 Kor. 5, 17; Ef 4, 24.

Bestujuvvut læ friandakkujuvvut duomobeive buok dast, **mi suddo mielde čuoŋvo.** Dat læ vigitæbmen lokkujuvvut, buttesen, fæilatebmen, suddotæbmen ja ollast čabbesen adnujuvvut Jesus siste. Dat læ gullat daid mavvolaš sanid: »Bottet deiki di mu ačam buristsivneduvvumak;« go cærak ožžok gullat daid hirmuš sanid: »Vulget erit di garroduvvumak.« Bestujuvvut læ fria bæsat dam Ibmelmættoma oasest — dam gærbmašest, mi i goassege jame, dam dolast mi i goassege časka ja čierromest ja bani-giččamest, mi goassege i loapa. Dat læ vuostaivaldet dam balka, mi dam vanhurskasi læ mærreduvvum — dat

čilggijuvvum rumaš, dat nubbastus-kættes arbbe ja dat goldnamættom kruodno ja dat illo, mi agalaš aiggai bista. Dat læ bestujubme. Dat, gæst dat vuostas oasse læ dam ællemest, galgga alma æppedkætta vuostaivaldet dam nubbe oase boatte ællemest. Mutto allus oktage oalggot dam, atte gal son audogassan šadda vaiko son ođđasist i lækge riegam. Alma ođđasist riegametaga i mate oktage sisaboattet Ibmel riki, nuft cælkka Jesus.

Mutto don, gutte læk ođđasist riegam, ale æpped, atte don dam agalaš vuoinadussi ik boađe.

Lægo dat bestujubme du? Ibmel addus, atte dat du oabmen šaddaši; dastgo i gavdnu mikkege æraid, i gavdnu mikkege gaskadilid »bestum« ja »lappum« gaskast, »Alme« ja »Helvet« gaskast. Vare Ibmel Bassevuoig-ŋa ožuči dudnji čajetet du suddo ja buktet du Jesus lusa, nuft atte don oskošik su ala ja bestujuvvušik.

Dudnji læ addujuvvum friavuotta dam bestujume oamastet daihe hilggot. Dal oažok don valljit, bestujume daihe agalaš dubmitusa.

Maid valljik don?

[Čali I. C. Ryle engelas bisma]

Girkkohistorjalas muittalusak. Dat religionalas dille maiel- mest Kristus riegam aige.

Lasse 11ad nummari.

Judalažai birra

1 Judalažai billasuvvum dille.

Judalažain læi damditi duođaid stuora buorebvuotta bakeni ektoi, guđek gukken loppadusa testamentast e-le alma Ibmelataga dam maielmest.

Mutto oidnujuvvu, atte Judalažak æi læm dam buorebvutti vœrddogasak. Ibmel i mattam aramus aigi rajest juo æra duođastusa addet sin birra go, atte si legje daggar olbmuk, gœi vaibmo alelassi datoi čagjadusa gæino ala mannat. Mutto nuft čiegnalassi si æi læm vel goassege vugjum go dam aige, go Kristus galgai almustuvvat. Gavdnujuvvujegje gal damge aige soames, guđek matte sierra valdujuvvut, — mi muittet oudamærka diti Semeon ja Hanna, — Ibmel læi sin særvest, nuftgo bakeni gaskast, diktam siebmana baccet. Mutto dat

stuora joavkko maidai Judalažain manne jotteles lavkiguim hævanæme vuostai.

Dam aino duotta Ibmela balvvalus læi šaddam dušše olgodes jabma vierron, nuft atte lonistægjamek fertti cælkket: »Dak olbmuk dollek ječaidæsek mu lakka njalminæsek, mutto sin vaimo læ must gukken erit.« Si oalgotegje, atte si legje Ibmela buoredokkalaš olbmuk ja su basse valdegodde assek aivestassi damditi, go si Abraham, Isak ja Jakob maddagest legje surgidam, ja damditi go si olgodes viero mielde vuttivalde daid lagast mærreduvvum dabid ja oaffarid. Ollaset miela nubbastusa ja vaimo buoradusa ala si æi jurdašam, vaiko laga mærradusak dasa čujutegje. Dat sin oažalaš miella ja luondo dagai sin gælbotebmen rievtoi arvvedet ja arvost adnet daid sin čallagi ja tempelbalvvalusa siste oudandollujuvvum loppadusaid Mesias birra. Judalažak elle dam aige lossis olgodes nođi vuolde. Romalažak legje sin ædnam bigjam vuollasæsek, ja sin mielast læi hæpad gululašvuoda čajetet Romalažaidi; dastgo si jakke ječaidæsek læt Ibmelest ænemusad arvost adnujuvvum, dainago si legje su olgosvallijuvvum olbmuk. Sin barggo ja haledus læi ollaset erituppæt Romalažai nođid — dam olgodes dæddo, mi sin alde læi, damditi go si legje Romarika vuolde. Manga værre profeta čuožželegje dam aige, guđek ječaidæsek lokke Messiasen, gutte boattet galgai. Muttomak jakke dai værre profetai oppoi, ja dak mangalagan jako ja oapo dugjujegje dasa, atte dat uccanaš vuoinalaš hægga, mi duogo dago gavdnu, aibas časkagođi.

2. Sierrasærvek Judalažai gaskast.

Dam oktasaš čagjadusa vuolde lifči dat læmas olmui oapatægji gædnegasvuotta daid čagjaduvvumid doalvot riftes gæino ala. Mutto maidai oapatægjek legje covkenak (čalmetæmek) ja gaskanæsek soapamættomak, damditi legje si sirrijuvvum manga sierrasærvai, mai birra mi aiggop dal væhaš sardnot.

Vuost namatep mi Fariselažaid, gudek legje dat ænemusad vidanam ja ænemusad arvost adnujuvvum sierrasærve. Mi læp lokkam sin birra Basse čallagest. Si buorren dokketegje juokke dafhost albmuga didajes

luondo. Sin religiona læi olgodes jabma vierro, ja dađemielde go si mæddamanne dai dingaid lagast, mak legje lossadak, namalassi rievte, vanhurskesvuoda ja osko, de i læm sigjidi nokka dak asatusak, mak Moses lagast čužžu; mutto si hutke ječa olles joavko bakkomid ja gočcomid, mai darkkeles doallama si ollo arvost adne. Si jakke daggo bokte oažžot bagjelmæralažat burid dagoid, ja si jakke daggo bokte ansašet vel æmboge go Alme. Vaddes læi dai guoktalažai oažžot dam baha guorraset. Ovta almus bagjelduolbmai matta olmuš cælkket: »Ikgo don bala Ibmela moarest du bahadagok diti?« ja go læ su bahadakko oainos, de dakka son buoradusa, jos sust ballo læ Ibmelest. Mutto dak badđom guoktalažak allelassi čujutegje sin olgodes vanhurskesvuoda ja buorrevuoda ala, mutto dam bæitag vuolde læi ollo bahavuotra čikkujuvvum; damditi cælkka maidai lonistægje sigjidi: »Duollarak ja fuorak galggek ouddal din Ibmel rika sisa mannat!«

Saducealažak legje dat nubbe særve, mi dam aige gavdnu. Sin birra æi læk manga muittalusa Basse čallagest; dammade diettep mi almake, atte go Faricealažak væketægje dida oudedet, da Saducealažak bargge æppeosko viddedet. Si dušše dam 5 Moses girje oamastegje, ja si æppedegje, atte Ibmel olmu maielmalaš dilist moftege fuola adna, si bittalegje maidai, atte gavdnujek vuoinad. Nuftgo mi dast arvvedep, legje si olbmuk, guđek elle oažalaš luondost, daggarak, guđek œi maidege dovddam œige diettam Ibmel vuoinast, si havskevuodaidek ja iloidæsek occe dam maielme dingain, ja nuftgo okta judalaš girječalle, gutte bæivalažat eli sin særvest, cælkka: Si læk olbmuk morasæskættet, čoaska ja garra luondoin.

Saducealaža ja Farisealažak ele ja likkadege oktašazat dam stuora maielmest ja sotte ješgutteg guoimek vuostai. Mutto gavdnujegje vel okta ucca jovkoš Judalažain, guđek æi dokketam dam religionalaš gævatusa, mi dam aige læi, dat joavkko goččujuvvui

Essealažžan. Si legje okta særve siega, buoredabalaš olbmain, guđek legje ječaidæsek olgussirrim ja mannam Jabmamæra væstaballai, gost si vieljalaš soavalašvuodast elle. Si leg-

je viššales olbmuk, guđek ječaidäsek äetegje anabargoin, giättadujin ja dalkastuskoanstain (doaktaridnoin). Si legje maidai buoredatolažak [arvasak], gululažak eisevalddi vuostai, oskaldasak ja rakistegje duottavuoda. Saducealažain ärranegje si daggo bokte, atte si äi biettalam osko, ja farisealažain daggo bokte, atte si occe ja dovde juoga, mi stuoreb ja aleb læi, go dak olgoldes jabma vierok ja ceremoniak; mutto si adne ječaidäsek damditi hui bassen, äeige löm si fria äävllaivuodast. Si bagjelgečče tempelbalmvalvulusa Jerusaleme, maid Ibmel Judalažai bajasrakadusbaiken læi mæredam; si bagjelgečče, damditi go dat makka galgai læt äppebasotuvvum dai ollo dokkemættom Ibmelbalmvalæggi bokte. Si äi guoimastallam äeige mangeslai vertevuoda daihe särvvevuoda. adnam oktainge, gutte sin oskočerdidi i gullam, vel dam borramušage, mi læi äeralagan jakkin rakaduvvum hilggo si.

Aleksandriast, Egipten oaiivvegavpugest, læi dam aige äuožželam okta ära sierrasärvve dai Judalažai särvvest, guđek dobbe asse. Aleksandriast læi stuora gavpehoabma (gavpe-likkatus). Dasa botte dak änemusad äuvvgijuvvum ja oappam olbmak juokke olmuš-äerdast okti; ja Judalažak dam stuora gavpugest äi mattam ječaidäsek doalat nuft sierranessi, atte dak mangalagaš ibmardusa religiona birra, lifči mädda sin mannam. Sist i læm dam amas äednamest tempelbalmvalvulus, man bokte si lifči mattam juobe vähašge ruoktot dollujuvvut äagjadusast. Muttomak diettelassi, nuftgo davalazažat minge aige, suppijegje sin vanhemi osko äibas erit ja vallijjegje navddašet äellema nuft burist go satte, äerak fast, guđek äi daggar äellem sist mattam aige loaktet, occe sielo biebmö dai ollo religionalaš äagjadusai särvvest ja algge äallaga äilggit sin oaiivveläsek mielde, Daid sanid: »Bogstava godda, mutto Vuoiŋa äellemdakka,« äilggijegje si nuft, atte si ožžu guovtegardan ärvvadasa, ovtä bogstavalaža ja ovtä vuoiŋalaža. Dam duokken oroi fast dat olmušlaš goarggaduvotta ouddanboattemen. Si celkke, atte bogstava, äallaga bogstavalaš ärvvadás læi dušše daidi jermetemidi, gäi miella ja luonddo læi dušše äednamlaš dingaidi, mutto si ječa legje dam märrai

ollem, atte si matte dam vuoiŋalaš ärvvadasa ibmerdet. Si jakke maidai, atte kristalaš i berre maielme manaiguim särvvevuoda adnet, amason Vuoiŋa morraštattet. Muttom ära sierrasärvve, mi goččujuvvui

Therapeuteren surgedi sist. Dak asse muttom avden javre baldast Aleksandria lakka. Si elle erit sirrijuvvum buok ära olbmuin sin baskes smava lanjain ja dölle ječaidäsek rokkadusaiddi ja Ibmel sane guoratalami. Sin borramuš læi dušše äeice ja laibe, davja adne si maidai boraköettaivuoda. Juokke sabata botte si äoakkai ja sin stuoremus äoaggalmasak legje juokke äičid vakko; dalle navdašegje si sin nuftgoččujuvvum rakisvuoda mallasid, mi læi saltijuvvum laibe, mi borrujuuvvui isopin. Si dölle vuoiŋalaš sarnid, lavllo lavlagid ja adne muttom slai dansima, mast galgai læm vuoiŋalaš ärvvadás ja mi bistid davalazažat menped iggi.

Dam lagan læi dat religionalaš dille Judalažai särvvest Kristus rie-gadäme aige. Äilggaset oidnujuvvi, atte Judalažak legje dego saveak, gäina baiman i læm, Suddoi ja ibmelmættomvutti legje si dammuddoi äieggam, atte sin ječaidäsek historja äallek ferttijegje äelkket, atte i læk äednam alde læmaš oktage äembo kütetatte sokka og Judalažak.

(Ämbo).

Vähas mastge.

Londonest

lä læmaš hirmus garra stöarma, mi muoraige lä ruottasest bajasgæssam ja duššadam ollo daina äabba rakkanusain, mak legje käisara kruonedäbmai bajasrakaduvvum.

Präsident

Stejn lä boattam South Hamptoni oktan bärrašin. Son lä dal obba dävras. Son farga vuolgga Hollandi Kruger gäččät. Manaides aiggo son bigjat engelaš skuvlaidi.

Goas galgga

martyravuotta Armeniast loappat? järra muttom darogielblädde. Sämma blädde vasteda fast dasa:

Gillamušak Armeniast loppek, go stuora famok gäđastöemes heittek ja go sin rutta ja obmudak säkka lä dievam. Dak manemuš ödđasak dam

varnotes äednamest lä, atte Armenialažak gilddujuvvujek olgosvagjolet äednamest. Turka räđditus rakada soattelavoid räje äla, dam varast atte i bæsa oktage eritvuolgget.

Prämieobligationslista gessujuvvum ¹/₇ — 1902.

30,000,00 kr. Serie 4293 Oblig. nr.	7.
10,000,00 „ — 4138	» 48.
5,000,00 „ — 6119	» 2.
1000,00 „ — 1938	» 100.
1000,00 „ — 6019	» 8.
1000,00 „ — 6285	» 29.
500,00 „ — 1131	» 7.
500,00 „ — 1348	» 67.
500,00 „ — 6955	» 48.
500,00 „ — 6048	» 72.
500,00 „ — 4747	» 19.
500,00 „ — 5534	» 72.
500,00 „ — 7276	» 5.
500,00 „ — 1981	» 95.
500,00 „ — 5815	» 95.
500,00 „ — 6141	» 22.
500,00 „ — 4510	» 10.
500,00 „ — 2833	» 35.
500,00 „ — 5024	» 73.
500,00 „ — 6500	» 48.
500,00 „ — 4530	» 1.
500,00 „ — 6708	» 41.
100,00 „ — 1914	» 87.
100,00 „ — 5284	» 33.
100,00 „ — 2764	» 43.
100,00 „ — 2684	» 16.
100,00 „ — 5342	» 82.
100,00 „ — 6643	» 20.
100,00 „ — 6504	» 62.
100,00 „ — 5388	» 18.
100,00 „ — 5932	» 98.
100,00 „ — 2350	» 4.
100,00 „ — 43	» 69.
100,00 „ — 7199	» 79.
100,00 „ — 3635	» 44.
100,00 „ — 6648	» 84.
100,00 „ — 3570	» 81.
100,00 „ — 5152	» 52.
100,00 „ — 3405	» 2.
100,00 „ — 3168	» 89.
100,00 „ — 5308	» 61.
100,00 „ — 7016	» 97.
100,00 „ — 6290	» 59.
100,00 „ — 4832	» 32.
100,00 „ — 1664	» 94.
100,00 „ — 4821	» 84.
100,00 „ — 3766	» 13.
100,00 „ — 308	» 60.
100,00 „ — 1412	» 48.
100,00 „ — 3403	» 29.
100,00 „ — 5983	» 84.

100,00 kr. Ser. 1460	Oblig. nr. 89.
100,00 „ — 7377	» 8.
100,00 „ — 587	» 99.
100,00 „ — 6822	» 42.
100,00 „ — 6310	» 2.
100,00 „ — 4235	» 66.
100,00 „ — 883	» 52.
100,00 „ — 6361	» 18.
100,00 „ — 5127	» 85.
100,00 „ — 3490	» 48.
100,00 „ — 6992	» 43.

10 kruodnoi læk čuovvovaš seriak olgusgessujuvvum:

Serie 3865	Juokke Serie sistes
— 1300	doalla 100 obligationaid.
— 809	Nabbo dalle læk dam
— 1948	guđa seriast 600 obligati-
— 3990	onak mak læk olgusges-
— 3426	sujuvvum ja gaččam 10,00
	kruodnoi stukka.

Sisasaddi E. Andreassen, Buomagest.

Shan-haiast, Kinast

vuvddujuvvujegje dam vuostas vak-kost dam jage 150,000 bibala, ođđa testamentak ja æra bibaloasek.

Ny-Hebrider-sulloin.

Australiast, mai alde gavdnujek 56000 assek, gavdnujek maidai 16000 kristalažak, 21 miššonarak ja 4 doaktara Mannam jage adde dak kristalažak ječa miššoni bagjel 30,000 kr.

Ruošaædnam giddagasain

legje 4 jage dast ouddal 764,363 ruošaalaža; mutto dal galggek læt 742,229 Jos mielde rekkenastujuvvujek soaltat, mak læk soaltat giddagasain, de fangai lokko vissa galle million ragjai olla, Dasa vela bottek 77,160, mak læk Sibiriai bigjujuvvum, ja 3,328 rangastusfangak læk muttom sullo ala bigjum, mi goččujuvvu Sakalin.

Melbo garveria

(nakkamæiddem-rakkanus) vuostaivaldda buok dam fidnoi gulle bargo, mi doaimatuvvu oamedovdolažat, aige gaibbadusa mielde ja davalaš halbes haddai.

Dam garveria haddelista læ daggar:

Gusanakke barkkem 5,00 kr. ja beredem daihe skuovvamaterialan raka-dæbme 2,50. Vuvsanakke barkkem 5,00 ja beredem 2,50 kr.. Hæstanakke barkkem ja beredem 10,50 kr. Gusanakke rakkaduvvum vavdnorietten 7,50 kr.. Nakek, mak rakkaduv-

vujek toffelriettin, 8,00 kr.. Vuovsana-
nakke, mi solalairan rakkaduvvu mak-
sa 75 øra kilost. Guigonakke, boccu-
nakke, galbenakke, njuorjonakke ja
spininakke takserijuvvujek sturudaga
mielde.

Galbenake barkkem maksa 50
øra, beredem maidai 50 øra. Savca-
nak barkkem ja beredem maksa dam
sæmma, nuft maidai gaicanakke. Stai-
narnakke barkkijuvvu 40 øri, savca-
nakke ja bædnakke 80 øri, go dak
bæskanakken galggek adnuk.

Go nuft ollo nakek saddejuvvu-
jek, atte barggo balkka gartta 25,00
kr., de garveria ješ maksa fravta ov-
ta guvlui, nuft dakka maidai go agen-
ta bokte saddijuvvu.

Agentak ocejuvvujek daina bai-
ken, gost æi læk ouddal. Agentak
ožžuk vaivesek oudast 10 procenta
barggobalkast. Dam garveria adres-
sa læ:

Gulstad garveri pr. Melbo, Vesteraalen.

Dat olmai, gutte dam garveria
læ oastam, læ su giettaduojes oappam
ovta Danmarko buoremus garveriaim.

Nestorianalaš miššonarak

læk sardnedam Kinast nuft arad ai-
gest go 505 jage mañjel Kristus. Dam
birra læk diedo ožžom dam
bæggalmas finganfutaval bokte, mi
læ čallujuvvum dam jage 781 m. Kr.
ja mi gavdnujuvvui jagest 1625.

Dak storemus judalaš særvvgoddek,
muittala dat Zionitalaš bladde „De
welt,“ gavdnujek čuovvovaš baiken:
New-Yorkast 400,000 særvvegodde
latto, Warschauast, gost mæsta bælle
assen læk Judalažak, gavdnujek
250,000, Budapestast 170,000 Wienest
ja Odessast 140,000, Londonest 120,
000, Berlinast 106,000, Filadelfiast
100,000. Dast mañjel namatuvvujek
12 gavpuga, — mai særvest læ mai-
dai Jerusalem, — maina galggek læt
50,000 Judalažak guđestge.

30 jage dast ouddal

ferti bibal prentijuvvut čikkusest
Japanest, ja go dat gærgai jukkujuv-
vui dat olgus ikko. Si, guđek legje
dam bargost, æi læm ovtage bæive
sikkarak hægasek diti. Dal læ Yoko-
hamast okta trykkeria (girje prentem
rakkanus), mi olgusadda bibalid i ai-
vestassi japanalaš gilli, mutto sadde
maidai Kinai, Tibeti ja Filipina sullo-

di.

Dam mañemuš jage vuvddujuv-
vujegje 138,000 bibalak, dat læ 20,000
æmbo go jage dast ouddal.

Japan

rakkana garraset soattat ja Kina orro
mañest boattemen. Dam japanesalaš
soatteveki hakkujuvvujek ođđa gevæ-
rak, ja dak boarrasak vuvddujuvvujek
Kinai. Dak geværak, mak Japanest
dam ragjai læk læmaš, læk hui buo-
re, ja oažžo damditi Kina buoreb
vuostaičuožžom-navcai og ouddal.

Orro maidal čajetæine, atte Enge-
landa oažžo æmbo ja æmbo famo Ki-
nast. Dobbe galgga dal dam guokta
ædnam gaskast læt rakkaduvvum okta
gavpetraktata, man sistdolloi dat kine-
salaš rađditus læ miedetam. Dam
traktata bokte ravastuvvu Kinast
stuora gavpemarkan Engelandi. Okta
dam traktata mærradusain læ nama-
lassi, atte Kina galgga erit skappot
dam siskaldes duollo, mi dam ragjai
læ olgusstengim gavpe. Dal galgga
čušše gaibbeduvvut ovta gærde buok
gerdi oudast sisabuktem duollo; oud-
dal galggai duollo maksujuvvut man-
ga gærde sæmma galvo oudast go
dat gukkelidi ædnam sisa dolvvujuv-
vui.

Tuiskalanda kaisar Wilhelm,

gutte læ hui viššal jottet, læ august
manost borjastam Ruoša kaisar sa-
gaidi. Italien gonagas maidai aiggo
fidnat Berlinast dam 27ad bæive au-
gust manost.

Maidai gonagas Edvard Enge-
landast fidna buorastattemen Ruoša
kaisara september manost. Datge
gal oažžo gusid.

Muttom boares galggo

madden, gutte juo læi 80 jage ællam
dam moraš lægest, ja diedostge juo
læi massam buok banides, alggi dam
alla aget ođđa banid fast oažžot,
muittala »Akerhus.« Son i lokkam
imšen dam atte manak banid oažžo-
dedin čirruk; dastgo suge mielast dat
oro læme hui bavčas.

„Nuorttanaste“

olgušboatta 2 gærde manost — dam 15ad
ja dam 30ad bæive juokke manost — ja
maksa kr. 1,00 — ovta kruvna jakkodagast
ja kruonohale daihe 50 øra jakkebælest.

Bladde matta dingujuvvut juokke
poastarappe lutte, komiššonara i lutte ja
olgosaddest G. F. Lund Sigerfjord Ve-
steraalen.

»Nuorttanaste čalle prentejægje ja olgosadde
læ G. F. Lund Sigerfjord, Vesteraalen.